

T.B.M.M

DDC :
YER : 74-2221
YIL :
CLT :
KSM :
KOP :
DEM : 74-4169

KÜTÜPHANESİ

KÜTÜPHANEDEN ÇIKARILAMAZ

استخراج ام علی
بنیبت امحی الدین عربی

طالم اسلامه موعود اولان مظفریات آتیهنی حاکي حضرت امام
علینک بر نطق ولایتناهیلی ایله محی الدین عربی حضرت لربنک مذکور
قصیده به نذیل بیوردقلری تشریحاتی محتوی ، ایاهن جد منتقل برساله
استخراجیه درکه تماماً زمانزه طانددر

صاحب وناشری :

غیرت کتبخانهسی صاحبی ، غاریس فکری

KÜTÜPHANEDEN ÇIKARILAMAZ

درسعادت — محج استقبال مطبعهسی

۱۳۳۲

هدیهسی ۱ غروشدر

غیرمکتوب

ترجمہ حق و حقوق سازہ سی طابمنہ حامدر

1. 1. 1. 1.

KÜTÜPHANEDEN ÇIKARILAMAZ

بشیرات محی الدین عربی

غایت مغلق و مبهم اولان مسائل شرقیہ حاضرہ نیک انتظار خارجہ بر شکل غیر مترقبہ تجلیسی متعاقب افکار عمومیہ مدہش بر لوحہ حیرت اوکنده توقف ایده رک کیمی معتادی اولان بدیندنکنه ، کیمی ده اعصابنک اهتزازات ضروریہ سنه مغلوباً فردانک صورت طلوعنه عطف انظار تجسس اتمک و اهل صلیب غایه اساسیہ سنه نائل اولمدن انعقاد ایدن معاهدانک و بر موازنه حقیقیہ مشتمل اولیان اثتلافانک علیهمزده تقرر ایده چکنه قانع اولمه باشلامش ایدی . الکبحرانلی زمانلرده ایسه امیدسنرک وهله آئیزه قارشو امنیتسنرک بتون قوتیله حکمران اولمش ایدی حالبوکه امام همامک بشیراننه استناد ایدن محرر عاجز ظهورات و تجلیاتنک نتایج حسنہ سنندن تمامیله امید وار ایدی . بردنبره (طوالم الملوك) عرض وجود ایلدی . تلقینانندن متنبه اولان ذوات کرام بر ایکنجی برهانه ظفریاب اوله رق کسب انشراح ایلش ایسه ده بخار توهمات ایله سرکرم اولان معنویتلرینی تعدیله جسارت ایده مدیلر . اردوی عثمانی مظفر آدرنیه داخل اولمدنجه شہات ازاله اولنهدی . شیمدی آرتق اولیای کرامک تلقینات مرشدانه لرینه کمال اطمینان ایله ربط قلب ایلک خصوصاً سنده هرکس متحدر . استیضاحات کوندن کونه چوغالیور . بوسپیدن

یدمده کی وثیقه معتبره بی عالم مطبوعانه نودبمع ایتمکه متجاسر اولدم . بو ، بر قصیده غرادرکه قائل محترمی جامع کالات اولان سر دفتر اولیا جناب علی المرتضی در . اصلی غایت مطول و ملوک بنی امیه نك افساد آتیه زمره مؤحینه عارض اوله جق اولان انقراض مشنومك اخبار کدورتدن متأثر قالان حضرت بتول عذرانی تسلیت مقصدیله ظهورات آتیه بی مشتمل اولدینی حالدہ مرور ازمان ایله غائب اوله رقی الک نهایت یالکز اون بر بیتی محی الدین عربی حضرتلرینک یدمهارینه انتقال ایتمش و مشارالیهک همتیله بالفسبر استخراج صورتنده اخلافه اتحاف ایلدشدر .

عاجزلی ابا عن جد مستصحب اولان کرید رسمو درکاه شریفندن تام یکرهی سکر سنه اول استنساخ ایتمش ایلم . صحتی شبهه سزدر . جریان حادثات دخی اصابتی تأیید ایتمکدن غیر خالیدر . بنساء علیه اخوان دینه قوت قلب اولمق اوزره انظار عمومیه وضع ایلدم . ارباب جفر واستخراج بونک قارشوسنده تا بحشر زانوبزمین عجز و افتقار اولسه کرکدر .

« اتشه یاق ای منجم زیج واسطر لابنی »
« بونده در سر کرامت نطق شاه اولیا »

حسین نسیمی



استخراج مذکور عیناً انیده مندرجدر :

ويعقب الفيداء امور بها
وذلك اذا قصر الغراب جناحه
فيلحق الافرنج سهام ظوامر
فاما القادمين من البحار رئيسهم
فهو ميم عين الجرود الاله
واما القادمين من البيداء رئيسهم
الاهو الرحيم الصريم لبابل
فيتفق الميم مع الرحيم كما مضى
والمسين والنازلى كلاهما
فهذا تمام فتح الكافرين باسمهم
وهذا اذا كتب الدال على اليا برسمهم
جفر على المرتضى ايله (جفر جامع) ده و جعفر صادق
مبسوطه سنده و عنقاي مغربده موضح اولان فتوحات جسميه
اسلاميه نك صورت ظهوريله دريادن و قره دن يورويه جك اولان
جنود مظفره قوماندانلرينك هويتلرى و امتداد ايده جك اولان
بو محارباتك نه قدر مدت ظرفنده نتيجه لنه جيكي بالاده مندرج اون
بريئنده تلخيصاً ذكروبيان اولنمقدمه اولوب سرفراز علماي جهان
اولان محي الدين عربى قدس سره حضرتلرى ايسه بر درجه
دها توسيع و توضيح مقصديه هر بر بيتنى آبرى آبرى تفسير ايلش
وبو زمانه قدر سلفدن خفه وديعه صورتيه دور و تسليم اولنه
كلش اولديندن زمانك كو سترديكي لزوم اوزرينه عينا فقط كتب

جفریة سائر دن استخراج ایده بیلمدیکم بعض خصوصات مهمه بی
دخی (*) اشارتیه علاوه درجنی مناسب کوردم .

ويعقب الغيداء امور بها مفاتيح الافرنج عاماً تورخت
معنای غریب و اسرار عجیبی بودرکیم (و يعقب الغيداء)
موره فتحندن صـ و کره دیمکدر زیرا موره نك اسم عربیسی
غیدادر موره فتحندن صوکره افرنج نك دؤرمیوب کریدی المغه
نثبت ایدرلرسده تدبیرلری منعکس اولوب شرف دین اسلام
و غیرت ایمان ظهوره کله رک عساکر ربانیه و جنود رحمنیه بر
و بگردن طوفان مثالی (فالنقی المأ علی سرققدر) مصداقنجه
غلبان و (جاهدوا فی الله حق جهاده) مضمونه موافق حروب
و مغازی یه توسل ایده جکندن و سکنز سنه نك ایچنده ممالک افرنجک
بر قسمی بلاد اسلامییه التحاق ایلیه جکندن علی المرتضی جفرنده
و يعقب الغيداء امور بها مفاتيح الافرنج عاماً تورخت بیورمشدر .
یعنی افرنج ممالک ترینه تقید اولنوب اوزرلرینه عالم اسلامدن سفر
اولسنه سبب افرنجک موره معاهده سنندن صوکره کریده تصدی
الملریدر .

(*) ایمدی بالقان محارباتنده دولت علیه عثمانیه نك ضایعانی
موقت اولوب حال حاضرده منجلی اولان بر چوق اشارات
سیاسیه یه کوره غایت آز بر مدت ظرفنده حکومت حاضره نك
صرف ایده جکی اقدام و غیرت اثری اوله رق یونانستان ایله قلمرو
عثمانی هم حدود و مناسبات عدیده ایله مقابل بروضیتده بولنه جق
و کریده کی حاکمیت یونانیه بر شکل قطعی کسب ایده میه جکدر .

وذلك اذا قصر الغراب جناحه فيفتى باشكال للزمان تغاربت
 لدنيات بيتدن نمايان اولان حقايق ازيله نك مفهومي بودر كه
 غرابدن مراد زمان ستم واهل صلييك غابه سيدر. زيرا قوشلرك
 ادني سيدر بو معنياه كوره اهل اسلام اول محلده ظفريات اولور
 كيم كتابلرده تعيين اولنان ايام ستم تمام اوله اول اجلدن (اذا
 قصر الغراب ..) بيور مشدر . اما ايكنجي مصرع كه (فيفتي .)
 بيورلدي مذكور اولان ايام محنت تمام اولدوقده عهد به زمق
 افرنج طرفندن واقع اولمغله مجموع اهل اسلام صلييه قارشو سفر
 ايلكي مشروع كورورلر!

(*) علوم غيبويه متعلق منظورم اولان برچوق رسائله ايام
 ستمك طقسان ايكي تاريخندن بدأ ايدرك ادرنه نك استردادي
 تاريخنه قدر دوام ايدو چكي محرر اولديني كبي هاشم بابا قدس الله
 سره العزيز حضرتلرينك مشهور قصيده سنده دخي عين صورتله
 اشارت اولنديغنه كوره بالقان محارباتنك « شوكت اسلامك وضع
 اساسي، اولديغنه هيچ شبهه ايدلامليدر ينه عين ائاره كوره بالقان
 محارباتنك بتون مسائل حال معلقيتده قالارق وهركون برحاله
 انقلاب ايدرك نهايت عثمانلي اردوسنك آتنيه مظفراً دخويله
 اوراده عقد اولنه جق بر معاهده مظفرانه ايله صورت قطعيده حل
 اولنه جق و كريدك او مزمن درد خانمانسوزي اوزمان دواي
 شافيسنه مظهر اوله جق ايسده جزيره ممتكن اهل اسلامه تكرر
 قتل عام جنائانه مباشرت اولنه جق صره ده سالف البيان چكومتلر
 اره سنده انعقاد ايدو چك خفي بر اتفاق اوزرينه جزيره به اسلام

قیافتند اهل صلیب نخطی ایده جکنه و معاہدہ مذکورہ نتیجہ سنده اوروپا یالکنز استاتوقونک تصدیقیله اکتفایه قرار ویرمکله برابر هرکونا تعرضانه ارتق ختام ویره جکنی رسماً بیان ایلدیکی حالده بیولده نقض عهد ایلیه جکنه، بناء اهل اسلام هر طرفدن رفع لوای اجتهاده شرعاً قرار ویره جک وهمان ایجابنه تثبیت ایده جکدر . ایام ستمک ختامنه طوغری مسائل متحده نیک احکام زمانه غریب قرار لرله فصل اولنه جفنه ادرنه نیک استردادی برهان صریحدر . فاما القادمین من البحار رئیسهم امیرله شهب علی الانام تنورت بویتک امواج بحر معاینسندن مستبان اولان شودرکه دیار سفیددن بلاد افرنجه هجوم ایابن غزاة مسلمینک باشی کیم اولدینی بیان اولندی، اول امیرک صفات کمالی عیان ونصرت کامله ایله مؤید اولدینی ایان اولنورق بیورلدی که «فاما القادمین...» یعنی سفائن نصرت اوزرینه تعیین اونان قپودان اهل ایمان و اهل عرفان بر صاحب رأی و تدبیر کیم عقل انوری و اصول فکرتی بتون ارباب تدبیره غالبدر. نصرت حقه مظهر برکیشی کیم معنی خدا اوله ارتق اندن ایلری کیم اوله .

(*) محاربه نیک دهشتلی صفحاتی کاملاً دکزده گذران لولوب مأمولک فوقنده اثار وقوف و همت ابراز اولنجهق و بوسایده حرکات بریه بیوک بر قوه الظهره اقتران ایلیه جکدر . فیلحق الافرنج سهام ظواهر من البر والبحر رجال تسارعت ذکر اولنان احوال مشورت اهل اسلامه معلوم اولنجه عنایت ربانیه همت اهل اسلامه موافق کلوب وسهولتله مهمات

تدارك اولنوب قهر اعدا ميسر اولسه كر كدر اعدا ايشى مخفى طومنى مراد ايله بيله جناب ذوالجلال بتون بو مخفى ايشلره مقابل اشكاره جزالرينى و يرمك اوزره آنمزين انلرى سههم قضايه اوغرادير و غزاة مسلمين و مجاهدين موحدن ممالك كفارى جراد منتشر كى ضبط و بنما ايله كر كدر .

فهو ميم عين الجرود الاله اصوله على الاعداء حاً زادفت
بيت بديع المعانيك مفهومي بودر كه سفان نصرته ممالك
افرنجه هجوم ايلين عسا كر اسلامه قبودان اولان ذانك اسمى
و باباسنك اسمى نه اولديغن بيان اولندي ميمدن مراد محمددر
لفظ و معنى جهندن زيرا ميم حرفى مكرردر ايكي ميم ايله بر يادر
عدد جهندن طقسان ايدر محمدرخى طقساندر و عيندن مراد عليدر
اجردك معناسى كوسه جدر بو تقرير اوزره مصرعك معناسى
لطيفهسى شواولدى كه افرنجك ضبطنه سبب اولان قبودان ا كرمك
اسم شريفى محمد و باباسنك اسمى عليدر كوسج اوله . صدرالدين
حضرتلرى دائرة الحكم نام كتابنده بيورمش كه اهل اسلامك
ظفرينه سبب اوج ننه در اولكيسى مورنهك ضبطيدر ايكنجى
موره الندقدن صوكره باريشوب تكرر نقض عهد اولنمسيدر
اوچنجيسى كفارك راسيرى مرتد قياس ايدوب كزلو مشورتلرنده
بولندير مسيدر اول اسير احوال مشورته واقف اولوب ، واقع
حالانى يازوب بر ارمى ايله قبودانه ارسال ايدوب ، قبودان
دخى اول اسيره اعتمادي اولديغنه بناء همّت علويه وجوده كتوروب
بو مجمع الخبير اولان مصلحته مباشرت ايله كر كدر زيرا قبودان

مربوره اول ائشاده بسبتون موره اموری تفویض اولنوب تعمیر
وترمیمله مشغول ایکن بو ایش ظهوره کلوب ، حزینه وعسکر
وسفائن دخی مبالغه اوزره اولوب اتحاد و اتفاقلری درست اولدیغنه
بناءً ایشه مباشرتله سکز سنه نك قیش و یازی هر کون بر فتح
جدید واقع اولدیغندن اهل اسلامه ملال و کللال کلیوب احسن
وجه اوزره وجوده کله (ح) دن مراد یاقودانلق مدتی اوله یا
فتوحاتده سنه لرك عددی اوله اما صدرالدینك اشارتیه کوره
فتوحاتک مدتی سکزدرد (ترادفت) بربری اردنجه صره سیله
دیگدر .

(*) سائر کتیب غیبیه به کوره ائنه فتوحاتی اهل صلیبه غایت
کران کله لرك یکدی بکرینه عطف مسئولیتله اناره احتراصات اولنسندن
ناشی بر محاربه بین الملل ظهوره کلوب ایکی دولت معظمه نك
دوختاری کرید اوکنده واسلام دکزی اوزرنده محو اولنسی
اوزرینه اسلام دوختاسی شایان اهمیت بر قیمت حریبه احراز
ایده جگدر شو قدرکه اندن اولکی محاربه لرده اسلام دوختاسی
بر همت مخصوصه کوستره میهرک یالکز بو محمد بن علی ابراز
موفقیت ایلیه جک و نام و نشانی معلوم دکل ایکن بردنبره احراز
تفوق ایده جگدر حتی محاربات سالفده وجود لرندن استفاده
اولنمش اولان اصحاب اشتهاردن بیله اوملیدیکی قدر خدمت
کوربله میوب ضعیف بر نقطه ده قاله جق اولان مشارالیه ک ظهوربله
ملتک تشفی صدر ایده جکنی و بونک اوزرینه کندوسنک آمیراللق
مقامنه ارتقا ایلیه جکنی بعض مستخرجلر بیان ایتمشلردر .

انحدك درست بولنه جفته و سمولتله لوازم حربيه تدارك اولنه ييله جكنه
داثر اولان تلقينات احوال حاضره يه اشارت اولسه كر كدر .
واما القادمين من اليبداً رئيسهم اميرله قديرى النجوم تشمعت
قره طرفندن يورويه جك غزاة مسلمينك رئيسى اويله بروزير
مكرم ومشير مفتخم دركه اختران آسمان كى ظلماته شعاع وضيا
بخش اوله .

(*) ديكر كتب استخراجه يه كوره بدياه قره ده تخشد
ايدم جك اولان عساكر اسلامه آتيدم اسمى مصرح اولان ذات
محترم قوماندان معين اولند قجه اردونك اثار مظفربته ايلرى
كيتمسنه قطعياً امكان كوريله ميه جكندن بتون اهل اسلام زوالدين
قورقوسيله المالك بولنه جقدر .

الاهو الرحيم الصريم لبابل له طاء مع الكفار تعينت
بويتك رموز عجيبه سى بودر كه قهر افرنج ايلين غزاتك
باشى وزر مكرم اولوب اوصاف حميده و خصال مدوحه سى
حددن افزون اولديغندن بويتك عبارات سنيه سيله مدح اولمشدر
يتك ابتدا سننده وزارتدن مقدم بولنديغى منصبى ايجاز اولنه رق
(الاهو الرحيم ..) بيورلمشدر يعنى اول وزيرك اسمى رحيم
اوله اولا اللهم اسم رحيمه موافقدر رحيم اسمك عددى
ايكوز الهى سكردر بوندى معلوم اولدى كه افرنجى فتح ايلين
وزيرك آدى ابراهيمدر الجزيره ده قوماندان اوله زيرا بابل قدما
بو محله واقمدر طاء مع الكفار تعينت ، اشارت غريبه سنه
كوره وزير مزبور طقوز سنه جنكده منقطع اولماز ديمكدر
زيرا طاء حرفى طقوزه اشارتدر ،

شوسيله كه اهل اسلام مورينى الدوقن سوكره اهل صليب طرفندن صلح ظهور ايتسه كر كدر اما صلح اوزرينه بر قرار اولدوقلرينه بناءً بلا تعذر اهل اسلامه نقض عهد اولنه چغندن (فن اعتدى عليكم فاعتدوا عليه بمثل ما اعتدى عليكم) مصداقنجه سفراعلان اولنور صدرالدين فتوحاننده داژه الافرنج اواخرنده بيورمش كه كفار و نديك (ايتاليا ديمكدر) و افرنج واسپانيا ال بر ايدوب و بربرينه امداد و يروب كريد اطهسنه قصد اجتملى صورت خفيهده اولوب بر طريق ايله يناشوق عسكر دوكدكن سوكره اهل اسلام غافل ايكن الموق صدندن اولسهلر كر كدر اما اول عصر ك قبودانى ميم عين الجرو دكه هنوز قبودان اوليه بو اسراره واقف اولوب صدر زمانه اشعار و اعلام ايله عناية حق ظهوره كلوب كفارك تدبيرلى منعكس اوله رق ايشلىرى راست كلديكندن ماعدا ممالكلرى كليله اهل اسلامك تصرفنه كيره مسيب الاسباب حضرت الله جنت عظمته برشى مراد ايلدكه البته اكا برسب خلق بيورور .

فيتفق الميم مع الرحيم كماضى ففتح الافرنج جميعاً كما ثبت

معناى شريفى : ميم اولان قبودان ، دريادن و رحيم اولان سرلشكر دخى قره دن اتفاق يزدان ايله متفقاً حركتله مقدماتقر بر اولندينى وجهله غلبات متعدديه مظهر اولورور .

(*) محى الديندن غيرى مستخرجلر بويكى نامدارك اولجده متفقاً بعض غلباته مظهر بتارى مسبوق اوله جفى بيان ايدىورور .

والمسین والنازی کلاهما من یدمیم عین الشہر تفتحت
بویتک معانی جامعۃ الاسراری ایچندہ مندرج اولان مفہوم
بودر کہ مسینہ سچلیا اطہسی ونازلیہ مالطہ جزیرہ سیدر فتوحات اسلامیہ
نہایتندہ میم اولان قیودان بو ایکی اطہبی فتح ایقسنہ کر کدر .
از مدت ایچندہ شوبلہ کہ مسینہ و مالطہ قرق یدی کونڈہ فتح
اولہ اما صدرالدین اشاراتی بودر کہ میم مزبور مسینہ بی شعبانک
یدنجی کونڈہ محاصرہ ایلہ رمضانک یکر می برنڈہ فتح ایڈہ
الٹی دفعہ جنک اولہ جزیرہ مزبورہ اہالیسی طاقت کتورہ میوب
صاحاً فتحی میسر اولہ زیرا اہل صلیک جیماً سفائی الدن
کیتمش اولوب جنکہ اقتدر لری اولسہ کر کدر بو فتحدن صوکرہ
رمضانک یکر می سکزنجی کونی بنہ توابعندن اولان دریا امراسندن
ابراہیم ویاخود مصطفی نامندہ بر سر لشکر نصب ایڈوب مالطہ
تعیین ایڈر لکن مالطہ داخلندہ کی اسرای مسلمان غلو ایڈر ایلہ
شوالک اون یدیسندہ بین الصلاتین جزیرہ نک فتحی میسر اولہ
اصلاً جنک واقع اولماز نہ محصوریندن بر کسہ مرد اولور نہ
اہل اسلامدن بر کیمسہ شہید اولور . زیرا جفر الجامعہ واقع
اولان اشاراتک نتیجہ سی بودر کہ فتح نازلیہ ایکی بایرام آرہ سندہ
اولور . مسینہ شعبان ایلہ رمضان شریفہ فتح اولہ ہر ایکی
جزیرہ نک اولکی حرفی فتح ایڈین سرورہ اشارتدر .
فہذا اتمام الکافرین باسرمم اذلا والا فی القریتین توحدت
قضیہ نک ابتدا سندن بو محلہ کلنجہ اولان تحریر و تقریر
احوال افرنجہ کورہ در غیری دکلدر معاً مسینہ و مالطہ نک فتحی

فتوحاتك تماميدر اندن سوكره اون سنه محتاج كيم بردخي واقع اوله اما باسرمهدن مراد فتوحات و غلباتك طرزيدر (اذلا...)
معناسى (لاله الاالله) ديمكدر مسينه و مالطه ايجنده بولنانلر
اسلامى قبول ايتسه لر ديمكدر اندن سوكره اسلامدن غيرى بر
فرد اسكان ايتسه كر كدر .

وهذا اذا كتب الدال على اليا برسمهم ترى اتمام هذا الامر سر و حاتقررت
اشبويت خريبه المعانى بونى بيان ايلر كيم فتوحات مذكوره نك
ابتداى ظهور واتمامى دال يا اوزرينه يازيلش بولنه جقدر جفر
جامك اون ايكنجهى جدولنده و منتخبات جفر صادقه و مصداق
الدوائرك التنجى دازمسنده بعينه بوبله واقعدر دال يادن سوكره
يازيله بوذكر اولنان فتوحاتك وجوده كلمسى محقق و مقرر در
والله العالم بعلمه مالك الملك ذوالجلال والاكرام

(*) افرنج اهل اسلامك بوطفيان واقعدن بر ثمره حسنه
اقتطاف ايدمه بكننه قانع بولنه جنى كى حوزه اسلامده دنخى بر
چوق متمردينك بو خصوصده متردد قاله جنى و نتيجه سنده
اسلامك يار واغيار نظرنده بيوك مفاخره دسترس اوله جنى آثار
جفريده مبسوطدر . سروح خروسك قناد كره رك طاوغه
قارشو كردن قير مسنه ديتلور او حالده اهل اسلامك بدايه نا قابل
اقتحام بجرانلره معروض قاله جننه حكيم اولنه بيلور زمان ختلم
منقدر اذا دخل السين فى الشين طرزنده ابدى الاشكال بر معما

حالنده ايسهده بهض مدققيه كوره (دال) احمد ديمك اولوب
انك دوره نفوذيله شمس تابان اسلامك كمال شـشمه ومهابتله
طالع اوله جفته اعتماد ايله نتيجه سنه انتظار ايتك دها مناسـبدر .
حادثات مشـئومه محكوم زوالدر حكومت عثمانيه دنيانك اك معظم
بر حكومتى اوليق سعادتته نامزددر .

ولله در القائل



دور دایم

بخت کتابی

کندی کندینه فالحلیق

اک مشهور فنون مکتومه مؤلفربنک تدقیقات و تحلیلاتنه مسقتند اولان بو اثر ضایت سراقلی ، ضایت خوش وواسح معلوماتی حاویدر . هرکس بوجهله سراجعتله طالع واستقبائی کشف واستدلال ایده بیلور . اجزاسی ۱۲ ، مجلدی ۱۵ غروشدر . پوسته اجرئی اوچر غروشدر .

جنملرله محابره

اسپیرتیزم ، فقیریزم ، مانیاتیزم

قوة ارادیه و کوز قوتیله هر هانکی بر انسانی ویا حیوانی اویوتمی اویاندیرمی ، هر ابسته نیلن شیئی یاپدیرمی ، اک آغیر جسملری بیله طوقونقمسزین هوایه قالدیرمی ، برقله کندی کندینه یازی یازدیرمی ، ودهاپک چوق غرائبی کوستربره نظری و عملی ایکی جلدده ۵۰۰ صفیه و ۴۵ رسمدن مرکبدر . اجزاسی ، ۱۵ مجلدی ۲۰ ، پوسته اجرئی ۴ غروشدر .

اسپیرتیزمه

اولولرله محابره

دوقتور بهاءالدین بکک اثریدر . علوم روحیهیه طاند تحریات نجریهیه متعلقدر . اون بش جلد تشکیل ایتمکده در . اجزاسی ۲۰ ، مجلدی ۲۵ ، پوسته اجرئی بش غروشدر . بالادهکی آثارک جلهسه ایجون یکانه محل فروخت و سراجعت : باب عالی جاده سنده ۲۴ نومرولو غیرت کتبخانه سی .